

臨川先生文集

六

臨川先生文集卷第二十六

律詩五言絕句 回紋 六言詩附

聊行

深雲

溝港

霹靂溝

午睡

題齊安壁

昭文齋

臺上示吳愿

示道原

傳神自讚

題何氏宅園亭

草堂一上人

題黃司理園

北山濟亭

題永昭陵

詠穀

池上看金沙花數枝過
醴醪架盛開

五柳

移松皆死

山中

送王補之行風忽作四題
四句於舟中被召作

南澗樓

南浦

題定林壁懷李叔時

離蔣山

江上

春雨

歸燕

和惠思波上鷗

秣陵道中口占二首

次青陽

代陳景元書呈太一宮道院壁

山鷄

雜詠四首

臥聞

秋興有感

題八功德水

口占

偶書

送陳景初

泊姚江

樓上

春晴

淨相寺

將母

朱朝議移法雲院蘭

晚歸

題船子

惠崇畫

蒲葉

芳草

與徐仲元自讀書臺上定林

病中睡起折杏花數枝二首

送望之赴臨江守

送丁廓秀才歸汝陰

送王彥魯

送呂望之

別方叅校

梅花

紅梅

病起過寶覺

書定林隱

題徐浩書法華經

日紋詩

碧燕

夢長

道月

治鴈

六言詩

題西太一宮壁二首

西太一宮樓

聊行

聊行弄芳草獨坐隱團蒲問客茅簷日君家有此無

染雲

染雲為柳葉剪水作梨花不是春風巧何緣有歲華

溝港

溝港重重柳山坡處處梅小頭穿麥過狹徑礙桑回

霹靂溝

霹靂溝西路柴荆四五家憶曾騎款段隨意入桃花

午睡

簷日陰陰轉林風細細吹條然殘午夢何許一黃鸝

題齊安壁

日淨山如染風暄草欲薰梅殘數點雪麥漲一溪雲

昭文齋林所居題

我自中山客何緣有此名當緣琴不鼓人不見虧成

臺上示吳愿

細書妨老讀長筭怯昏眠取簟且一息拋書還少年

示道原

久不在城市少留心悵然幽芳可攬結佇子飲雲泉

傳神自讚

此物非他物今吾即故吾今吾如可狀此物若為摹

題何氏宅閣立

荷葉參差卷榴花次第開但令心有賞歲月任渠催

草堂一上人

一公持一鉢想復度遙岑
地瘦無黃犢春來草更深

題黃司理園

為憶去年梅凌寒特地來
明窗空牖盡渾未有花開

北山游亭

西嶼水泠泠沁岡有游亭
日從春草長遙見祇青青

題永昭陵

神闕澹朝暉蒼蒼露未晞
此車不可望投老涕霑衣

詠穀

可憐臺上穀轉日已陰繁
不解詩人意何為樂彼園

池上看金沙花數枝過醑醑架盛開

故作醑醑架金沙祇謾栽
似矜顏色好飛度雪前開

五柳

五柳柴桑宅三楊白下亭
往來無一事長得見青青

移松皆死

李白今何在桃紅已索然
君若負赤松子猶自不長年

山中

隨月出山去尋雲相伴歸
春晨花上露芳氣著人衣

送王補之行風忽作因題四句於舟中

淮口西風急君行定幾時
故應今夜月未便照相思

被召作

禁祿嗟何及明恩愧未酬
欲尋西掖路更上北山頭

再題南澗樓

北山雲漠漠南澗水悠悠
去此非吾願臨分更上樓

南浦

南浦隨花去迴舟路已迷暗
百無覓處日落畫橋西
題定林壁懷李叔時

雲與淵明出風隨御寇還
爐無伏火蕙帳冷空山

離蔣山

出谷烟回首逢人更斷

江上

江水漾西風江花脫晚紅
離別被橫笛吹過亂山東

春雨

苦霧藏春色愁霖病物華
幽可無可奈強醕一杯霞

歸燕

馬上逢歸燕知從何處來
會尋舊巢去不帶錦書迴

和惠思波上鷗

翩翩白鳥鷗汎汎水中游
西來久不見夢想在滄洲

秣陵道中口占二首

經世才難就田園路欲迷
慙將白髮下馬照青溪

二

歲熟田家樂秋風客自悲
茫曲城路歸馬日斜時

次青陽

十載九華邊歸期尚眇然
秋風一乘傳吏覺負林泉

代陳景元書于太一宮道院壁

官身有吏責觸事遇嫌猜
野性豈堪此廬山歸去來

山雞

山雞照渌水自愛一
采為世用適足累形軀

雜詠四首

故畦拋汝水新龍寄鍾山爲問揚州月何時照我还

二

已作湖陰客如何更遠遊章江昨夜月送我到揚州

三

證聖南朝寺三年到百回不知牆下路今日幾荷開

四

桃李石城塢餉田三月時柴荆常自閉花發少人知

卧聞

卧聞黃粟留起見白符鳩坐引魚兒戲行將度女遊

秋興有感

宿雨清畿甸朝陽麗帝城豐年人樂業隴上聽歌聲

題八功德水

欲尋阿練若曳屐出東岡澗谷芳菲少春風著野桑

口占

去歲別南嶽前年返泐潭臨機一句子今日遇同參

偶書

雄也營身足聒兮悞汝多捐書知聖已絕學奈禽何

送陳景初金陵持服舉族貧病煩君藥石

之功

舉族貧兼病煩君藥石功長安何日到一一問歸鴻

泊姚江

軋軋槽聲急蒼蒼石江日低吾行有定止潮汐自東西

樓上

湯洋舟中客徘徊樓上人滄波浩無主兩葉飄難親

春晴

新春十日雨雨晴門始開靜看蒼苔紋莫上人衣來

淨相寺

淨相前朝寺荒涼二十秋曾遭滅劫壞今遇勝緣修

將母

將母那溝上留家白紵陰月明聞杜宇南北總關心

朱朝議移法雲蘭

幽蘭有佳氣千載閔山阿不出阿蘭若豈遭乾闥婆

晚歸

岸迴重重柳川低渺渺河不愁南浦暗歸伴有姒娥

題舫子

愛此江邊好留連至日斜眠分黃犢草坐占白鷗沙

惠崇畫

斷取滄州趣移來六月天道人三昧力變化只和鉞

蒲葉

蒲葉清淺水杏花和暖風地偏綠底綠人老爲誰紅

芳草

芳草知誰種綠苔已數叢無心與時競何苦綠忽忽

與徐仲元白讀書臺上定林

橫絕潺湲度深尋翠嶺行百年同逆旅一壑我平生

病中睡起折杏花數枝二首

獨卧南牕榻條然五六句已聞鄰杏好故挽一枝春

二

獨卧無心起春風閉寂寥鳥聲誰喚汝屋角故相撩

送望之赴臨江

黃雀有頭顱長行萬里餘想因君出守暫得免直

送丁廓秀才歸汝陰

風駛柳條乾駝裘未勝寒慙慙陌上日為客暖征鞍

送王彥魯

北客憐同姓南流感似人相分豈相忘臨路更情親

送呂望之

池散田田碧臺敷灼灼紅年華豈有盡心賞亦無窮

別方劭秘校

迢迢建業水中有武昌魚別後應相憶能忘數寄書

梅花

墻角數枝梅凌寒獨自開遙知不是雪為有暗香來

紅梅

春半花纔發多應不奈寒此人初未識渾作杏花看

病起過寶覺

執手乍欣悵霜毛應更新依然舊童子却想夢前身

書定林院牕

問遠大師師云夜來夢與說十波羅蜜

道人今輟講卷祴寄松蘿夢說波羅蜜當如習氣何

題徐浩書法華經

一切法無差水牛生象牙莫將無量義欲覓妙蓮華

碧蕪

回紋

碧蕪平野曠黃菊晚村深台倦留甘飲身閑累苦吟

夢長

夢長隨永漏吟苦雜
踈鍾動蓋荷風動沾裳菊露濃

送月

送月川魚躍開雲嶺
鳥翻徑斜荒草惡臺廢
冶花繁

泊鴈

泊鴈鳴深渚收霞落晚川
柝隨風斂陣樓映月低
弦漠漠汀帆轉幽幽岸
火然壑危通細路溝曲
繞平田

題西太一宮壁二首

草色浮雲漠漠樹陰落日潭潭
一作葉鳴蟬綠三

十六陂流水白頭想見江南

二

三十年前此路也一作父兄持我東西今日重來白首
欲尋陳迹都迷

西太一宮樓

草際芙蓉零落水邊楊柳
欹斜日暮炊煙孤起不知
魚網誰家

臨川先生文集卷第二十六

臨川先生文集卷第二十七

律詩 七言絕句

歌元豐五首

基

題畫扇

夢

清明

東岡

春郊

元日

九日

初晴

南蕩

芙蓉

溝西

東臯

一陂

園蔬

悠然

杖藜

圖書

老嫌

移柳

誰前

南

夏

秋

冬

春

夏

秋

冬

春

夏

秋

冬

春

夏

秋

冬

春

夏

秋

冬

春

夏

秋

冬

春

夏

秋

送耿天隲至度口

宋廷評請序經解

次俞秀老韻

次張唐公韻

次昌叔韻

葉致遠置洲田以詩言志次其韻四首

和郭功甫

和耿憲天隲以竹冠見贈四首

和陳輔秀才金陵書事

千蹊

初夏即事

外厨遺火二絕

代白髮荅

嘲白髮

窺園

進字說二首

木末

陂麥

春風

秋雲

永慶院送道原還巖具作詩要

送方叟校

芙蓉堂二首

長于釋普濟坐化

歌元豐五首

水滿陂塘穀滿篝漫移蔬果亦多收神林處處傳蕭鼓共賽元豐第二秋

二

露積成山百種收漁梁亦自富鯪鱖無羊說夢非真事豈見元豐第二秋

三

湖海元豐歲又登稻生猶足暗溝塍家家露積如山壠黃髮咨嗟見未曾

四

放歌扶杖出前林遙和豐年擊壤音曾侍土階知帝力曲中時有譽堯心

五

豚筴雞埒晻霏間暮林搖落獻南山豐年處處人家好隨意飄然得往還

碁

莫將戲事擾真情且可隨緣道我贏戰罷兩奩分一作收白黑一枰何處有虧成

題畫扇

玉斧修成寶月團月邊仍有女乘鸞青冥風露正人

世鬪亂斜特地寒

夢

黃梁欲熟且留連
漫道春歸莫悵然
蝴蝶豈能知夢事
遽遽飛墮晚花前

清明

東城酒散夕陽遲
南陌鞦韆寂寞垂
人與長餅卧芳草
風將急管度青枝

東岡

東岡歲晚一登臨
共望長河映遠林
萬竅怒号風喪我
千波競湧水無心

春郊

青秧漫漫出初齊
雞犬遙聞路却迷
但見山花流出水
那知不是武陵溪

元日

爆竹聲中一歲除
東風送暖入屠蘇
千門萬戶曠曠日
爭插一作把新桃換舊符

九日

九日無歡可得追
飄然隨意歷山陂
蔣陵西曲一作面風煙慘一作澹也有黃花一兩枝

初晴

帽巾慵整露蒼華
度壠深尋一徑斜
小雨初晴好天氣
晚花殘照野人家

南蕩

南蕩東陂水漸多
陌頭車馬斷經過
鍾山未放朝雲

散奈此黃梅細雨何

芙蕖

芙蕖耐夏復宜秋一種今年便滿溝南蕩東陂無此物但隨深淺見游儻

溝西

溝西直下看芙蕖葉底三三兩兩魚若比濠梁應更樂近人渾不畏春鉏

東臯

東臯攬結知新歲西崦攀翻憶去年肘上柳生渾不管眼前花發即欣然

一陂

一陂一作陂水蔣陵西含風却轉與城齊周遭碧磨作港畱塞綠錦剪成畦

園蔬

園蔬小摘嫩還抽畦稻新春滑欲流枕簟不移隨處有飽餐甘寢更無求

脩然

脩然三月閉柴荆綠葉陰陰忽滿城自是老年遊興少春風何處不堪行

杖藜

杖藜隨水轉東岡興罷還來赴一牀堯桀是非時入夢固知餘習未全忘

圖書

圖書老矣尚紛披神劓天黥以有知茅竹結蟠聊一

渴却尋三界外愚癡

老嫌

老嫌智巧累形軀欲就田翁學破除百歲用癡能幾
許救吾黥劓可無餘

移柳

移柳當門何啻五穿松作徑適成三臨流遇興還能
賦自比淵明或未慙

誰將

誰將石黛深春潮復燃黃金作柳條西塘東溝從此
好筍輿追我莫辭遙

雪乾

雪乾雲淨見遙岑南陌芳菲復可尋換得千鍾爲一
笑春風輸柳萬黃金

南浦

南浦東岡二月時物華撩我有新詩含風鳴綠粼粼
起弄日鷺黃黃裊裊垂

竹裏

竹裏編茅倚石根竹莖疎處見前村闌眠盡日無人
到自有春風爲掃門

隨意

隨意柴荆手自開沿岡度壑復登臺小橋風露扁舟
月迷鳥翳雌童往來

秋雲

秋雲放雨靜山林萬壑朗湍共一音欲記荒寒無善

盡傳悲壯有能琴

春風

春風過柳綠如縵晴日蒸紅出小桃池暖水香魚出處一環清浪湧亭臯

陂麥

陂麥連雲慘淡黃綠陰門巷不多涼更無一片桃花在借問春歸有底忙

木末

木末北山煙冉冉草根南澗水泠泠縵成白雪桑重綠割盡黃雲稻正青

進字說二首

正名百物自軒轅野老何強討論但可與人漫醬
說豈能令鬼哭黃昏

二

鼎湖龍去字書存開闢神墟必有聖孫湖海老臣無四目謾將糟粕汗脩門

窺園

杖策窺園日數巡攀花弄草興常新董生只被公羊惑肯信捐書一語真

嘲白髮

久應飄轉作蓬飛眷惜冠巾不忍違種種春風吹不長星星明月照還稀

代白髮答

從衰得白天機未怪長青幽八願違看取春條隨日

長會瀕秋葉向人稀

外廬遺火二首

竈鬼何爲便赫然似嫌刀杓甚無羶圖書得免同煨
燼却賴厨人清不眠

二

青煙散入夜雲流赤焰侵尋上瓦溝門戶便疑能炙
手比鄰何苦却焦頭

初夏即事

石梁茅屋有彎碕流水濺濺度兩陂晴日暖風生麥
氣綠陰幽草勝花時

千蹊

千蹊百隧散林丘圖書風色一色秋但有興來隨處
好揚朱何苦涕橫流

和陳輔秀才金陵書事

南郭先生比鷓鴣年年過我未愆期休論王謝當時
事大抵烏衣祇舊時

和耿天隲以竹冠見贈四首

竹根殊勝竹皮冠欲著先須短髮乾要使山林人共
見不持方帽禦風寒

二

無物堪持比此冠竹皮柔脆穀皮乾故人戀戀綈袍
意豈爲哀憐范叔寒

三

玉潤金明信好冠錯刀剗出鮮紋乾不忘君惠崇亦

首要使懽盟未可寒

四

冠工新意斲槽爨爨會雲烝久未乾遺我山林真自稱何須貂暖配金寒

和郭公甫

且欲相邀卧看山扁舟自可送君還留連山郭今如此知復何時伴我閒

葉致遠置洲田以詩言志次其韻二首

吟歎君詩久掉頭知君興不負滄洲土山欲爲羊曇賭且可專心學奕秋

二

若將有限計無涯自困真同筭海沙隨順世緣聊戲劇莫言河渚是吾家

又次葉致遠韻二首

庵成有興亦尋春風暖荒萊步始勻若遇好花須一笑豈妨迦葉社多身

二

時時君尚富春秋豈比衰翁遠自投智略未應施吠畝上前他日望吾丘

次昌叔韻

寄公無國寄鍾山垣屋青然掩靄間長以聲音爲佛事野風蕭颯水潺湲

次張唐公韻

憶昨同追八馬蹄約公授之此山棲公乘白鳳今何

慶我適新年值白鷄

次俞秀老韻

解我葱珩就孟勞暮年甘與子同袍新詩比舊增奇峭若許追攀莫太高

酬宋廷評請序經解

未曾相識已相憐香火靈山亦有緣訓釋雖工君尚少不應忽務世人傳

送耿天隲至渡口

雪雲江上語依依不比尋常恨有違四十餘年心莫送故人如我與君稀

承慶院送道原還儀真作詩要之

歲暮青條已見梅餘花次第相爭開淮南無此山林勝作意春風更一來

送方劭秘校

南浦柔條拂地垂攀翻聊寄我西悲武昌官柳年年好他日春風憶此時

芙蓉堂二首

投去歸來一幅巾尚私榮祿備藩臣芙蓉堂下疏秋水且與龜魚作主人

二

乞得膠膠擾擾身五湖煙水替風塵祗將鳧鴈同為侶不與龜魚作主人

長干釋普濟坐化

投老唯公最故人相尋長恨隔城闔百年俯仰隨薪

盡畫手空傳淨戒身

臨川先生文集卷第二十七

臨川先生文集卷第二十八

律詩 七言絕句

送黃吉甫入京題清涼寺壁

與道原自何氏宅步至景德寺

過法雲

光宅寺

題勇老退居院

與寶覺宿龍華院三絕

清涼白雲庵

自定林過西庵

歸庵

雪中遊北山呈廣州使君和叔同年

謝安墩二首

東坡二首

山陂

欲往北山以雨止

耿天隲惠梨次韻奉酬二首

北山有懷

定林

封舒國公三首

北陂杏花

五更

與薛肇明奕碁賭梅花詩輸一首

又代薛肇明一首

壽 一梅 花欲發

二拾

敬天吐鳴許以浪山千葉梅見寄

與天陟四宿清涼廣惠僧舍

池上看盃沙花數枝過醉醺架盛開二首

北山

詠菊二首

楊柳

北山道人抄秋松

山櫻

償薛肇明秀才橙木

馬斃

出郊

懷府園

江口二首

蕩山手種松

中年

寄四姪旋二首

寄吳氏女子

寄蔡天啓

呈陳和叔二首

招葉致遠

招楊德逢

和叔招不往

和叔雪中見過

俞秀老忽不見

與耿天隲會話

送黃吉甫入京題清涼寺壁

薰風洲渚薺花繁看上征鞍立寺門投老難堪與若
別倚江從此望還轅

與道原自何氏宅步至景德寺元豐七年三月十九日

前時偶見花如夢紅紫紛披競淺深今日重來如夢
覺靜無餘韻可追尋

過法雲

路過潮溝九盤招提雪脊隱雲端金鈿一一花
老翠被重重山更寒

光宅寺

梁武帝宅也其址齊安臨淮齊武帝宅也宋興又在其址

齊安孤起宋興前光宅相仍一水邊蜂分蟻至今不
見故窠遺堙尚依然

題勇老退居院

道人投老寄山林偶坐脩然洗我心夢境此身能且
在明年寒食更相尋

與寶賢覺宿龍華院三絕句

舊有詩云京口瓜洲一水間

山只隔數重山春風自綠江南岸明月何時照我還

老於陳迹倦追攀但見幽人數往還憶我小詩成悵
望鍾山只隔數重山

二

世間投老斷攀緣忽憶東遊已十年但有當時京口

月與公隨我故依然

三

與公京口水雲間
問月何時照我還
邂逅我還還問
月何時照我宿金山

清涼白雲庵

庵雲作頂峭無鄰
衣月爲衿靜稱身
木落岡巒因自
獻水歸洲渚得橫陳

自定林過西庵

午雞聲不到禪林
栢子煙中靜擁衾
忽憶西巖道人
語杖藜乘興得幽尋

歸庵

稻畦藏水綠秧齊
松鬣初乾尚有泥
縱蹇尋岡歸獨
卧東庵殘夢午時雞

雪中遊北山呈廣州使君和叔同年

南州歲晚亦花開
有底堪隨驛使來
看取鍾山如許
雪何須持寄嶺頭梅

謝安墩二首

我名公字偶相同
我屋公墩在眼中
公去我來墩屬
我不應墩姓尚隨公

二

謝公陳迹自難追
山月淮雲祇往時
一去可憐終不
返暮年垂淚對伊

東坡二首

東坡風雨卧黃雲
陸水翻溝隔壠分
春玉取新知不

晚腰謙今日已紛紛

二

荷葉初開筍漸抽東坡南浦正悠悠
無端龍上脩脩
麥橫起寒風占作秋

山歌

山陔院落今接種流郭樓臺已結燈
白髮逢春唯有
睡睡尚希馬亦生情

欲往北山以雨止

北山朝氣滲三秋欲往愁添獨小留
散策綠岡初見
日興隨雲盡復中休

秋天隱息梨次韻奉酬

故人家果獨難忘秋實初成便得嘗
直使紫花形味
勝豈能終日望咸陽

二

灌園新陰百畝涼分甘每得助秋嘗
張公大谷雖云
美誰肯苞苴出晉陽

三

甘滋南北共傳誇栽接還如老圃家
誰謂交梨非外
獎因君澆灌已萌芽

北山有懷

香火因緣寄北山主恩投老更人間
傷心躑躅岡頭
路明日春風自往還

定林院

窮谷經春不識花新松老栢自欹斜
慙慙更上山頭

望白下城中有幾家

封舒國公三首

陳迹難尋天柱源
疏封投老誤明恩
國人欲識公歸處
揚柳蕭蕭白下門

二

桐鄉山遠復川長
紫翠連城碧滿隍
今日桐鄉誰愛我
當時我自愛桐鄉

三

開國桐鄉已白頭
國人誰復記前遊
故情但有吳塘水
轉入東江向我流

北陂杏花

一陂春水繞花身
花影妖饒各占春
縱被春風吹作雪
絕勝南陌碾成塵

五更

青燈隔幔映悠悠
小雨含煙凝不流
祇聽蛩聲已無夢
五更桐葉強知秋

與薛肇明奕棊賭梅花詩輸一首

華髮尋春喜見梅
一株臨路雪培堆
鳳城南西他年憶
杳杳難隨驛使來

又代薛肇明一首

野水荒山寂寞濱
芳條弄色最關春
故將明艷凌霜雪
未怕青腰玉女真

溝上梅花欲發

亭直背暖臨溝起
脉脉含芳映雪時
莫恨夜來無伴

月明還見影參差

江梅

江南歲盡多風雪也有紅梅漏洩春顏色
凌寒終慘澹不應搖落始愁人

耿天隲許浪山千葉梅見寄

聞有名花即謾栽慙慙準擬故人來
故人歲歲相逢

晚

一作能

知復同言度開

與天隲宿清涼廣惠僧舍

故人不惜馬虺隤許我年年一度來
野館蕭條無準擬與君封殖浪山梅

池上看金沙花數枝過酴醾架盛開二首

午陰寬占一方苔映水前年坐看栽
紅蕊似嫌塵染汚青條飛上別枝開

二

酴醾一架最先來夾水金沙次第栽
濃綠扶疎雲對起醉紅撩亂雪爭開

北山

北山輸綠漲橫陂直澗回塘灑灑時
細數落花因坐久緩尋芳草得歸遲

詠菊二首

補落迦山傳得種閻浮檀水染成花
光明一室真金色復似毗耶長者家

二

院落秋深數菊叢綠花錯莫兩三蜂
蜜房歲晚能多

少酒盞重陽自不供

楊柳

楊柳杏花何處好石梁茅屋雨初乾
綠垂靜路要深駐紅寫清陂得細看

北山道人栽松

陽坡風暖雪初融度谷遙看積翠重
磊砢拂天吾所愛他生來此聽樓鐘

山櫻

山櫻抱石陰松枝比並餘花發最遲
賴有春風嫌寂寞吹香渡水報人知

僧薛肇明秀才禮木

濯錦江邊木有橙小園封植竹華滋
地偏或免淵聖御名雕茂歲晚聊同庾信移

馬斃

恩寬一老寄松筠晏卧東窻度幾春
天廐賜駒龍化去謾容小蹇載閑身

出郊

川原一片綠交加潏樹冥冥不見花
風日有情無處著初迴光景到桑麻

懷府園

槐陰過雨盡新秋盆底看雲映水流
忽憶小金山下路綠蘋稀處看游鱗

江寧夾口二首

鍾山咫尺被雲埋何況南樓與北齋
昨夜月明江上

夢逆隨潮水到秦淮

二

日西江口落征帆却望城樓淡蒲衫從此夢歸無別路破頭山北北山南

蔣山手種松

青青石上歲寒枝一寸崑崙前手自移聞道近來高數尺此身蒲柳故應衰

中年

中年許國邯鄲夢晚歲還家壙垆遊南望青山知不遠五湖春草入扁舟

寄四姪旋

數篇持往助歡哈想見封題手自開春草已生無好句阿連空復夢中來

二

一日東岡上幾迴一百重雲水隔蘇臺一作一日東岡

水隔蘇臺遙知別後詩無數黃犬歸時總寄來

寄吳氏女子

夢想平生在一丘暮年方此得優游江湖相忘真魚樂怪汝長謠特地愁

寄蔡天啓

杖藜緣壑復穿橋誰與高秋共寂寞佇立東岡一搔首冷雲衰草暮迢迢

呈陳和叔

數椽生草覆莓苔一作數椽半一徑牆陰斲雪開

吉囊衣新徙舍杖藜從此爲君來

二

數椽庫屋茨生草三畝荒園種晚蔬永日終無一杯酒可能留得故人車

招葉致遠

白下長干一水間竹雲新筍已斑斑明朝若有扁舟興落日潮生尚可還

招揚德逢

山林投老倦紛紛獨卧看雲却憶君雲尚無心能出岫不應君更懶於雲

和叔招不往

門前秋水可揚舲有意西尋白下亭只欲往來相邂逅却嫌招喚苦丁寧

和叔雪中見過

捐書去寄老山林無復追緣緣往事心忽值故人乘雪興玉堂前話得重尋

俞秀老忽然不見

忽去飄然遊冶盤共疑枝策在梁端禪心暫起何妨寂道骨雖清不畏寒

與耿天隲會話

邯鄲四十餘年夢相對黃梁欲熟時萬事祇如空鳥迹怪君強記尚能追

臨川先生文集卷第二十八

臨川先生文集卷第二十九

律詩七言絕句

與道原過西莊遂遊寶乘

庚申正月遊齊安

庚申正月遊齊安有詩壬戌正月再遊

壬戌正月晦與仲元自淮上往復至齊安

壬戌五月與和叔同遊齊安

成字說後與曲江譚君丹陽蔡君同遊齊安

元豐二年十月政公改路故作此詩

書定林院總

同熊伯通自定林過悟真二首

悟真院

傳神自讚

定林院招文齋

經局感言

鍾山晚步

散策

書靜照師塔

記夢

勘會賀蘭溪毛

書湖陰先生壁二首

過劉全美所居

書何氏宅壁

題永慶壁有秀遺墨數行

江寧府園示元度

金陵郡示

戲示蔣叔

遊城東示深之德逢

麗澤門

示公佐

示俞秀老二首

示李叔時

示寶學二首

仲元女詩

示永懋院秀老

示王鐸主簿

戲城中故人

戲贈段約之

示俞處士

懷張唐公

憶金陵三首

離昇州作

望淮口

入瓜步望揚州

泊船瓜洲

重過余婆岡市

秦淮詩

中書即事

萬事

寄金陵傳神者李士雲

贈外孫

東流頓令罷官阻風示文荅以四句

楊德逢送米與法雲二老作此詩

送黃吉父將赴南康官歸金谿三首

與道原過西莊遂遊寶乘

周顥宅作阿蘭若妻約身歸宰堵波今日隱侯孫亦

老偶尋陳迹到煙蘿

一作蕙帳銅屏皆舊事飄然陳迹在松蘿

庚申正月遊齊安

水南水北重重柳山後山前處處梅未即此身隨物

化年年長趁此時來

庚申正月遊齊安有詩云水南水北重重

柳壬戌正月再遊

招提詩壁漫黃埃忽忽籠紗兩過梅老值白雞能不

死復隨春色破寒來

壬戌正月晦與仲元自淮上復至齊安

風暖柴荆處處開雪乾沙淨水洄洄意行却得前年

路看盡梅花看竹來

壬戌五月與和叔同遊齊安

縑成白雪桑重綠割盡黃雲稻正青它日玉堂揮翰

手芳時同此賦林垌

成字說後與曲江譚君丹陽蔡君同遊齊

安

諸君共此勞
遊望南山塔

元豐二年十月政公改路故作此詩

獨龍東路得平岡始無遊人履齒妨更有主林身半

現與公隨轉作陰涼

書定林院

與我大師同宿既曉問昨夜有無夢師去有數語皆忘記

竹雞呼我出華胥起滅篝燈擁燎鑪試問道人何所

夢相言運忘不言無

同熊伯通自定林過悟真二首

與客東來欲試茶倦投松石坐歌斜暗香一陣連風
起知有薔薇澗底花

城郭紛紛
寄北山吟長遺客子留連

多未

水從
夢鳥相呼春風日日吹香

山此
欲無

傳

我與丹青兩心身世間流轉會成塵但知此物非他
物莫問今人猶昔人

定林院照文齋

定林齋後鳴禽散只有提壺守
坐篔簹苦勸道人沽美酒不應無意引陶情

經局感言

羅相出守江寧仍領經局

自古能全已不才豈論騏驥與駑駘放歸自食情雖
適絡首猶存亦可哀

鍾山晚步

小雨輕風落棟花細紅如雪點平沙
槿籬竹屋江村路時見宜城賣酒家

散策

散策東岡亦已勞橫塘西轉有亭皋
絮飛度屋何許柳花落填溝無數桃

書靜照師塔

簡老已歸黃土陌淵師今作白頭翁
百憂三十餘年事陳迹山林草野中

記夢

辛酉九月二十二夜夢高郵土山道
人赴蔣山比集雲峯為長老已而坐
化復出山南與國寺與余同時一榻揮懷
山片竹數寸上繞生絲屬余藏之余亦弗
取作詩與之

月入千江體不分道人非復世間人
鍾山南北安禪地香火他時共一作兩身

勘會賀蘭溪主

賀蘭溪洛京地名
買地築居於郟中

賀蘭溪上幾株松南北東西有幾峯
買得住日尋常誰與坐從容

書湖陰先生壁二首

茅簷長掃靜無苔花木成畦手自栽
一水護田將透兩山排闥送青來

二

藥條索漠柳花繁風公似餘香暗度垣
黃鳥數聲殘午

夢尚疑身爲半山園

過劉全美所居

西崦晴天得強扶，出林知有故人居。
數能過我論奇字，當復令公見異書。

書何氏宅壁

有興提魚就公煮，此言雖在已三年。
皖瀟終負幽人約，空對湖山坐惘然。

題永慶壁有零遺墨數行

永慶招提墨數行，歲時風露每悽傷。
殘骸豈久人間世，故有情鍾未可忘。

江寧府園示元度

畫船南北水遙通，日暮幅巾篁竹中。
行到月臺逢翠碧，背人飛過子城東。

金陵郡齋

談經投老拚悠悠，爲吏文書了即休。
深炷鑪煙一作香閉齋閣，卧聽簷雨瀉高秋。

戲示蔣穎叔

扶衰南陌望長楸，燈火如星滿地流。
但怪傳呼殺風景，豈知禪客夜相投。

遊城東示深之德逢

欲牽淮舸共尋源，且踏青青繞杏園。
憶我舊詩光宅路，依然桑柳映花繁。

麗澤門

麗澤門西日未餓，水明沙淨卷纖纖。
維綠瓊州渚青瑤

付與詩工敢琢磨

示公佐

殘生傷性老耽書年少東來復起了各據槁梧同不寐偶然聞雨落堦除

示俞秀老二首

不見故人天際舟小亭殘日更回頭綠成白雪三千丈細草孤雲一片愁

二

君詩何以解人愁初日紅葉碧水流未怕元劉妨獨步每思陶謝與同遊

示李時叔二首

知子鳴絃意在山一官聊復戲人間能爲白下東南尉藜杖緇巾得往還

二

千山訪我幾摧輶清坐來看十日留勢利白頭何是道古人傾蓋有綢繆

示寶覺二首

火輦憲明粥一盂晨興相對寂無魚超然聖寺山林外別有禪天好淨居

二

重將壞色染衣裾共卧鍾山一山爲雲客金盞黃梁今始熟烏殘红柿昔曾分

仲元女孫

雙鬢嬉戲我庭除爭挽新花比中翻襦親結香纓知不

又汝翁那更鑷鬚

示永慶院秀老

禪房借枕得重歌陳迹脩然尚下詩嗟我與公皆老矣拂天松栢見栽時

示王鐸主簿

君正忙時我正閑如何同得到鍾山夷門二十年前事回首黃塵一夢間

戲城中故人

城郭山林路半分君家塵土我家雲莫吹塵土來污我我自有雲持寄君

戲贈段約之

竹栢相望數十楹藕花多處宿開亭如何更欲通南埭割我鍾山一半青

示俞處士

魯山眉宇人不見只有歌辭來向東借問樓前踏子為何如雲卧唱松風

懷張唐公

直諒多爲世所排有懷長向我亦開暮年惆悵誰知此南陌東阡獨往來

憶金陵三首

覆舟山下龍光寺玄武湖畔五節堂想見舊時遊歷處煙雲渺渺水茫茫

二

煙雲渺渺水茫茫縹緲繞蕪城一帶長蒿白黃塵裏憂世

事追思陳迹故難忘

三

追思陳迹故難忘
翠木蒼藤一水方
聞說精廬今更好
好好隨殘汴理歸艎

離昇州作

殘菊冥冥風更吹
雨如梅子欲黃時
相看握手認無語
愁滿眼前心自知

望淮口

白煙瀰漫接天涯
黯黯長空一道斜
有似錢塘江上望
晚潮初落見平沙

入瓜步望揚州

落日平林一水邊
蕪城掩映祇蒼然
白頭追想當時事
幕府青衫最少年

泊船瓜洲

京口瓜洲一水間
鍾山祇隔數重山
春風自綠江南岸
明月何時照我還

重過余婆岡市

憶我東遊未有鬚
扶衰重此駐肩輿
市中年少今誰在
魯叟當街六十餘

秦淮泛舟

強扶衰病牽淮舸
尚怯春風泝午潮
花與鶯吾如有意
山於何處不相招

中書即事

投老翻爲世網嬰
低徊終恐負平生
何時白土岡頭

路渡水穿雲取次行

萬事

萬事黃梁欲熟時世間談笑漫追隨雞蟲得失何須
以弄鵬鷄道遠各自知

寄金陵傅神者李士雲

裴容一見便疑真李子揮毫故有神欲去鍾山終不
忍謝渠分我死前身

贈外孫

南山新長鳳凰雛眉目分明畫不如年小從他愛梨
栗長成須讀五車書

東流頓令罷官阻風示文有按風伯奏天
閻之語答以四句

令尹犀舟失夫期懽然凭几占文移勸君慎莫讒風
伯會有開帆破浪時

楊德逢送米與法雲二老作此詩

盧仝不出憎流俗我卜郊居避俗憎仝有鄰僧來乞
米我今送米乞鄰僧

送黃吉父將赴南康官歸金谿三首

柘岡西路白雲深想子東歸得重尋亦見舊時紅躑
躅爲言春至每傷心

二

還家一笑即芳辰好與名山作主人邂逅五湖乘興
往相邀錦繡谷中春

三

歲晚相逢喜且悲
莫占風日恨
歸遲我如逆旅
當者
客後會有無
那得知

臨川先生文集卷第二十九

臨川先生文集卷第三十

律詩

七言絕句

金陵即事三首

烏塘

柘岡

城北

金陵

午枕

州橋

觀明州圖

九日賜宴瓊林苑

壬子偶題

和張仲通憶鍾陵二首

送和甫至龍安暮歸

鍾山即事

南澗樓

京城

隴東西二首

斜徑

暮春

雨晴

日西

禁直

御柳

祥雲

題中書壁

禁中春寒

試院中

學士院燕侍郎畫圖

道旁大松人取以為明

見鸚鵡戲作四句

池鴈

六年

世故

邵平

中卒

王章

神物

文成

讀漢書

賜也

重將

載酒

楚天

江上

春江

春雨

送和甫至龍安微雨因寄吳氏女子

與北山道人

過外弟飲

若耶溪歸興

烏石

定林

定林所居

臺城寺側獨行

遊鍾山

松間

雨未止正臣欲行以詩留之

金陵即事三首

水際柴門一半開
小橋分路入青苔
昔人照影無窮柳
隔屋吹香併是梅

二

結綺臨春歌舞地
荒蹊狹巷兩三家
東風漫漫吹桃李
非復當時仗外花

三

昏黑投林曉更驚
背人相喚百般鳴
柴門長閉春風暖
事外還能見鳥情

烏塘

烏塘渺渺綠平隄
隄上行人各有攜
試問春風何處好
辛夷如雪柘岡西

柘岡

萬事紛紛祇偶然老來容易得新年
拓岡西路花如雪迴首春風最可憐

城北

青青千里亂春袍宿雨催紅出小桃
迴首北城無限思日酣川淨野雲高

金陵

金陵陳迹老莓苔南北遊人自往來
最憶春風石城鴉家家桃杏過牆開

午枕

午枕花前簟欲流日催紅影上簾鉤
窺人鳥喚悠颺夢隔水山供宛轉愁

州橋

州橋踞月想山椒迴首哀湍未覺遙
遙今夜重聞舊嗚咽却看山月話州橋

觀明州圖

明州城郭畫中傳尚記西亭一樣船
投老心情非復昔當時山水故依然

九日賜宴瓊林苑作

金明馳道柳參天投老重來聽管絃
飽食太官還惜日夕陽臨水意茫然

壬子偶題

熙寧五年東府廡下作盆池故作

黃塵投老倦怱怱故遶盆池種水紅
落日歌眠何所憶江湖秋夢艣聲中

和張仲通憶鍾陵二首

一夢章江已十年故人重見想恬然
祇應兩岸當時柳能到春來尚可惜

二

逸少池邊有一丘西山南浦惜曾遊
殘年歸去終無樂聞說章江即淚流

送和甫至龍安暮歸

隱隱西南月一鉤春風落晚澹如秋
房櫳半掩無人語鼓角聲中始欲愁

鍾山即事

澗水無聲遠竹流竹西花草弄春柔
茅簷相對無終日一鳥不鳴山更幽

成一首澗水繞竹流花草到坐終日鳥鳴山更幽

南澗樓在江寧

撲撲烟嵐遶四阿物華終恨未能多
故應斗起三千丈始奈空山復嶺何

京城

三年衣上禁城塵撫事茫然愧古人
明月滄波秋萬頃扁舟長寄夢中身

隴東西二首

隴東流水向東流不肯相隨過隴頭
祇有月明西河上伴人征戍替人愁

二

隴西流水向西流自古相傳到此愁
添却征人無限淚怪來嗚咽已千秋

斜徑

斜徑偶通南浦路
數家遙對北山岑
草頭蛺蝶黃花
晚菱角蜻蜒翠蔓深

暮春

北山吹雨送殘春
南澗朝來綠映人
昨日杏花渾不見
故應隨水到江濱

雨晴

清明山鳥百般催
不得桃花一半開
雨後綠陰空繞
金摠將春色付莓苔

日西

日西階影轉梧桐
簾卷青山篔簹半
空金鴨火銷沈
水冷悠悠殘夢鳥聲中

禁直

翠木交陰覆兩簷
夜天如水碧泔泔
帝城風月看常
好人世悲哀老自添

御柳

御柳新黃已迸條
宮溝薄凍未全消
人間今日春多
少祇看東方北斗杓

向天邊
問斗杓

祥雲

冰入春風漲御溝
上林花氣欲飛浮
未央屋瓦猶殘
雪却為祥雲映日流

題中書壁

夜闌金鑰詔辭臣
對御抽毫
帝綸須信朝家重
儒術一時同榜用三人

禁中春寒

青一作浮煙漠漠雨紛紛水殿西廊北苑門已著單衣
猶禁火海棠花下怯黃昏

試院中

少時操筆坐中庭子墨文章頗自輕聖世選材終用
賦白頭來此試諸生

學士院燕侍郎畫圖

六幅生絹四五峯暮雲樓閣有無中去年今日長干
里遙望鐘山與此同

道旁大松人取以為明

龍甲虬髯不可攀亭亭千丈蔭南山應嗟無地逃斤
斧豈願爭明燭火間

見鸚鵡戲作四句

雲木何時兩翅翻玉籠金鎖祇煩冤真須強學人間
語舉世無人解鳥言

池鴈

羽毛摧落向人愁當食哀鳴似有求萬里衡陽冬欲
暖失身元為稻梁謀

六年

六年湖海老侵尋千里歸來一寸心西望國門蒼海
髮九天宮闕五雲深

世故

世故紛紛漫白頭欲尋歸路更遲留鐘山北鏡無磨
水叢髮何時一釣舟

邵平

天下紛紛未一家
販繒屠狗尚雄夸
東陵豈是無能者
獨旁青門手種瓜

中牟

積城百雉擁高秋
驅馬臨風想聖丘
此道門人多未悟
爾來千載判悠悠

王章

壯一作志士軒昂非自謀
近臣當為國深憂
區區女子無高意
追念牛衣暖即休

神物

神物登天擾可騎
如何孔甲但能羈
當時若更無劉累
龍意茫然豈得知

文成

文成五利老紛紛
方丈蓬萊但可聞
萬里出師求寶馬
飄然空有意凌雲

讀漢書

京房劉向各稱忠
詔獄當時跡自窮
畢竟論心異
豈不妨迷國略相同

賜也

賜也能言未識真
誤將心許漢陰人
桔槔俯仰妨何事
抱甕區區老此身

重將

重將白髮旁牆陰
陳迹茫然不可尋
花鳥認知春
幾人閒獨自有心

載酒

載酒欲尋江上舟，出門無路水交流。
黃昏獨倚春風立，看却花開觸地愁。

楚天

楚天如夢水悠悠，花底殘紅漫不收。
獨繞去年揮淚處，還將牢落對滄洲。

江上

江北秋陰一半開，晚雲含雨却低回。
青山繚繞疑無路，忽見千帆隱映來。

春江

春江渺渺抱牆流，煙草茸茸片愁吹。
盡柳花人不見，青旗催日下城頭。

春雨

城雲如夢柳依依，野水橫來強滿池。
九十日春渾得雨，故應留潤作花時。

初到金陵

江湖歸不及花時，空遠扶疎綠玉枝。
夜直去年看蓓蕾，晝眠今日對紛披。

送和甫至龍安微雨因寄吳氏女子

荒煙涼雨助人悲，淚染衣巾不自知。
除却春風沙際綠，一如看汝過江時。

與北山道人

蔣果疏泉帶淺山，柴門雖設要常關。
別開小徑連松路，祇與鄰僧約往還。

過外弟飲

一日君家把酒盃六年波浪與塵埃不知烏石岡邊
路至老相尋得幾回

若耶溪歸興

若耶溪上路莓苔興罷張帆載酒回汀草岸花渾不
見青山無數逐人來

烏石

烏石岡邊繚繞山柴荆細路一作水雲間吹一作花
爵藥長來往祇有春風似我閑

定林

定林青一作備木老參天橫貫東南一道泉六月杖
藜尋石路午陰多處弄潺湲

定林所居

屋遶灣溪竹繞山溪山却在白雲間臨溪放艇依山
坐溪鳥山花共我閑

臺城寺側獨行

春山撩亂水縱橫籬落荒畦草自生獨往獨來山下
路筍輿看得綠陰成

遊鍾山

終日看山不厭山買山終待老山間山花落盡山長
在山水空流山自閑

松間一作將

偶向松間不見舊題野人休誦北山移丈夫出處非無
意猿鶴從來自不知

雨未止。止臣欲行以詩留之。
紛紛應接使人愁。與子從容喜閒話。他日故將泥自
庶。今朝欲以雨相留。

臨川先生文集卷第三十

